

GUACANAGARI PONTIAC MONTEZUMA CAPTAIN PIPE KEOKUK GUATIMOTZIN LOGAN POWHATAN CORNPLANTER BENITO JUAREZ POCAHONTAS JOSEPH BRANT MANGUS SAMOSET RED JACKET COLORADAS MASSASOIT LITTLE TURTLE LITTLE CROW KING PHILIP TECUMSEH SITTING BULL UNCAS OSCEOLA TEDYUSKUNG SEQUOYA

BLACK HAWK SACAGAWEA CHIEF JOSEPH GERONIMO



TO PERPETUATE THE HISTORY AND DEVELOPMENT OF THE PEOPLE REPRESENTED BY THE ABOVE CHIEFS AND WISE MEN THIS COLLECTION HAS BEEN GATHERED BY THEIR FRIEND

EDWARD EVERETT AYER

AND PRESENTED BY HIM TO THE NEWBERRY LIBRARY 1911





OJIBWAY MUZZENIEGUN.

To peller

THE

CATECHISM

OF THE

CHURCH OF ENGLAND;

WRITTEN IN THE

OJIBWA (OR CHIPPEWA) LANGUAGE.

TORONTO:

PRINTED BY ROBERT STANTON.

1834.

CATECHISM.

Question.—Ahneen azhe nekahsoyun? Answer.—N. gamah M.

Ques .- Ahwanain gahmenik o-oh azhe

nekahzoyun?

Answ.—Gaho-ohsekahyahnig gia Gahogekahyahnig eimmah nezegenundah-gowening eimmah geozhe-egoyaun chewedokahwug Christ, onejahnesemid Geshamunedo chedahnahkeyaun odogemah-wewening gezhegong.

Ques.—Ahneen dush kosekahwenug gia kegekahwenug gahtodahmowequah?

Answ.—Nesing cheizhe wahweendahmahgawug odabwawenewaung nindizhenekahzowening. Nittum eewh chewabenug Mudjemunedo gia guhkinnah,
odahnokewenun, guhkinnah zahzagahwenun gia gahgebahdizewenun, o-omah
mudjebemahdizewening. Menahwaheewh guhkinnah chedabwatahmaun Christ
odizhetwahwenum. Menahwah dush

chegahnahwaindahmaun Geshamunedo ominnoenaindahmowin gia ogugequawenun gahgenig chemahdahahdoyaun aindahsogezhick gadahkobemahdizeyaun.

Ques.—Kahween enuh dush kedenainduze chedabwatahmun, gia chedodahmun

gahizhe wahweendahmahwequah?

Answ.—Menungakah; Geshamunedo wedokahwid ningahdodum. Negitehe maumweyahwahmah gezhegong kosenon e-ewh kenundomid o-oh azhesinninig ozhahwainjegawin, eimmah Jesus Christ kahshahwanemenung. Nindahnahmeatahwah dush Geshamunedo chemezhid onebwahkahwin e-ewh gahgenig cheizhewabezeyaun nahyaunzh cheneboyaun.

Ques. - Ekedoon e-ewh azhedabwatah-

mun i

Answ.—Nindabwatum ahyaud Geshamunedo Waosemind gwatahmegwaindahgozid kahozhetoad gezhig, gia ukke, gia nindabwatum Jesus Christ ahyaud obazhigo ogwissun Kemunedomenaun, kahozhe-egood gitche Ojechaugwun, geoanje oandahdezid oashkenegequaiu Maryun; kekodahge-egood Pontuis Pilatum

gia gesahsahgahquahoond, genebood, gia kepuggedanemind; Keizhaud Mudjemunedonong; Nasogonahguk edush keahbejebaud; Ishpeming gezhegoong keizhaud nahmuddahbe dush ogitchenekong Geshamunedo Waosemind gwatalimegwaindahgozid; gabeoanjebaud chebedebahkonaud bamahdizenejin gia gahnebonejin. Nindabwatum ahyaud Gitcheojechaug; gia quiyuk ahnahmeawin; gia owekahnesindewin anummeahjig; ahyahwaud; gia wabenegahdaig mudjeizhewabezewenun; gia cheahbidjebahmahguk weyahwemaun, gia dush gahgegabemahdizewin dahgomahguk (gunnahgakunnah, or Amen.)

Ques-Wagonain ahpidje gakinnoahmahgoyun o-onoh gahgequawenun dah-

yabwatummunnin?

Answ.—Nittum ningekinnoahmahgo chedabwatumaun Geshamunedo Waosemind gwatahmegwaindahgoozid gahozheid, gia guhkinnah ukke. Menahwah dush Geshamunedo Ogwissun gahkeshpinnahnid, gia guhkinnah ahneshenahbaig.—Menahwah dush ishquahge, Geshamune-

do Ogitcheojechauggwun mamid mudjeizhewabezewening, gia guhkinnah Geshamunedo odahneshenahbamun.

Ques.—Kege-ekid e-ewh kewahwindahmahgawaud, e-ewh chegunnahwaindahmun Geshamunedo ogugequawenun: Weendahmoweshin ahneen aindussing?

Answ.—Medahdahchenoan? Ques.—Ahneen enewh?

Answ.—Debishko Geshamuendo gahekiddood eimmah neeshtahnah izhesing Exodus ekiddood nindou Kegeshamunedomewah, gahpezahgizewenenaig duhnahkewening Egypt, gia eimmah ahwahkahnedewening.

I. Kahween ahweahbukaun keguddo-

munedomissenahwaug, Neenatah.

II. Kahween gahdozhetahmahdezoseem mahzeneneeg, gia gago azhenahgwuk ishpeming gezhegong, gia ukkeeng
dahbushish, gia nebekaung ahnahmahkummig: Gago ojejeengwahnahbetahwahkagoon, gia gago ahnahmeahtahwahkagoon; Neen Kegeshamunedomewah
ningeshahwainjegaishk Geshamunedoweyaun chenahnahzekahmahwahgwah Wa-

oseminjig omudjeizhewabezewenewaun gia onejahnesewaun niaunzh nesing newing cheahneahyaunnekobejegawaud egewh shonganemejig; cheshahwainnemahgwah dushween medoswauk egewh siahge-ejig, gia ganahwaindungig ningahgequawenun.

III. Kahween wahneeshquagh kahwahweenduzzeen odizhenekahzowin ahowh Kegeshamunedoom; kahween ogumminoenainemahseen enewh wahnishquagh kawahweendummininidgin odiz-

henekahzowin.

IV. Gahnwaindun e-ewh ahnahmeagezhegud quiyuk chegunnahwaindahmun;
Ningoodwasogoon kahahnoke, guhkinnah
chedodahmun wahinnunokeyun; neezhwasogonahguk me-ewh odahnahmeagezheguddoom Kegeshamunedoom. Kahween
gago guddenahnokese e-ewh gezheguk,
keen gia kegwis gia kedaun, kebahmetahgaweninneem, gia kebahmetahgaequaim
kedahwahkahnug, gia kemiahdahwezeem
ba undegoak. Ningoodwassogoon Geshamunedo ogetahzhekaun geozhetoad gezhig gia ukke, gitchegummeen, gia guh-

kinnah ayahjig keaunwabid nahshwahsogonahguk; keoonjeshahwaindung Geshamunedo, ahnahmeagezhegud gia keminotoad.

V. Gitcheenainim koos gia kegah cheoonje gahgaunwaug kegezheguddomun eimmahkedunnahkewening Kegeshamunedoom mahnikin.

VI. Kahween kahneshewase.

VII. Kahween kahbeshegwahdesese.

VIII. Kahween kahgemodisse.

IX. Kahween kahbahtahmahse kewe-

jedahkewamahgun.

X. Kahween kahshobe-egoseen kewejedahkewamahgun aindod, Kahween kahshobe-egose kewejedahkewamahgun wewun gia bametahgoojin, gia, obahmetahga-equamun, gia obizhekemun, gia obabazhegogunzhemun, gia gago menik dabaindung.

Ques .- Wagonain gakaindahmun o-

omah onoh gahgequawemun.

Answ.—Neezhing nindizhe gekinnoahmahgonun; gadodahwug Geshamunedo gia newejedahkewamahgun. Ques.—Ahneen gadodahwudebun Geshamunedo.

Answ.—E-ewh sah gadodahwugebun Geshamunedo, chedabwatahwug; chegosug; gia chesahgeug guhkinnah anegoqwaug ninda, guhkinnah nindenaindahmowin, guhkinnah ninjechaug, gia guhkinnah nemushkahwezewin; cheahnummeatahwug; chemaumweahwahmug; cheahpanemoyaun; chenahnaundomug; chegitchewahwaindahmowug odikhenekahzowin gia ogugequawin gia chebahmetahwug quiyuk gadahkobemahdizeyaun.

Ques .- Ahneen gadodahwudebuu ke-

wejedahkewamahgun?

Answ.—E-ewh sah gadodahwugebun newejedahkewamahgun, cheizhesahgeug debishkogoneeen; chedodahwugwah dush gukkinnah bamahdizejig azhenundahwanimmewaud gia wenahwah chedodahwewaud; chesahgeugwah, chegitche-enainemahgwah chewedokahwugwah noos gia ningah, chegitche-enainnemahwah gia chebezindahwugwah; gitchekoose non, gia guhkinnah omizhenahwamun chebezindahwugwah ganahwanemejig,

gakenoahmahwejig nemakuddawekoniamug quiyuk chebemewenedizoyaun chebakahdizeyaun, gia chemahnahjeahgwah gataindahgozejig, chemahjedodahwahsewug ahweah e-ewh chemudjeduzhemahsewug, gia chemudjedodahwahsewug; chedabwayaun gia quiyuk cheizhewabezeyaun; chemudje-enainduzewaun gia chenishkainduzewaun e-immah nindaing chegunnahwaindahmaun nininjeen chegemodissewaun, gia nindanahnewh chemahjedahnaunahgedozewaun chegahgenahwishkesewaun, gia ahweah chemudjeduzhemahsewug; chegahnahwaindahmaun neowh ozaum gago chewedokuzewaun, chebezaunezeyaun gia quiyuk cheizhewabezeyaun; chegahgahwainduzewaun, gia chebugwesainduzewaun bahkaun dabaindahmowaud; meatah chewequdjetoyaun cheahnokeyaun quiyuk chegushketahmahzoyaun kaoonje bemahdizeyaun, gia chedodahmaun quiyuk eewh cheizhebemahdizeyaun niauzhe ahpe Geshamunedo minwaindung chenundomid.

Ques.—Duhgah gahnoandoan chekedoyun Geshamunedo odahnahmeawin?

Answ.—Waosemegoyun gezhegong ayahyun, gatche ahpetaindahgwuk azhenekahzoyun kedogemahwewin dahdahgwishenomahgud; azhenundahwaindahmun dahdodaum o-omah ukkeeng, debishko ewidde ishpeming; Mesheshenaum noongoom gezheguk aindussogezhick bahquashegun; ahbwayainemishenaum gahmudjedodahgoyunin, azhe ahbwayainemungedwah egewh gahmudjedodahweyungejig; gago izhewizheshekongain gahgwadebanedewening; gago bahgedeneshekongain mudjeizhewabezewening; keen goshah kedebaindon ogemahwewin; gia mushkahwezewin, gia dush e-ewh wahwezhaindahmowin gahgenig gia gahgenig. (gunnahgakunnah) or Amen.

Ques.--Wagonain naindahwaindahmahwud Geshamunedo o-omah o-oh ahnumeawin?

Answ.—— Nenundahwaindahmahwah ningeshamunedoam, kosenon gezhegong ayaud, ahowh mahgewaid minnobemah-

dizewin, chemezhid onebwahkahwin gia guhkinnalı bamahdizenejin; e-ewh chealinummeahtahwung, chebahmetahwung, gia chebezindahwung quiyuk: nindahnummeatahwah Geshamunedo chemenenungmezegago manazewaud kidjechaugonahnig gia enewh geahwenahnin; e-ewh edush chezhauwanemenung, chewabenahmonung kemudjeizhewabezewinenahnin e-ewh edush cheminwaindung chegunnahwanemenung guhkinnah nunnezahnahdowening ojechaugomaung gia weyowemaung; e-ewh edush chegunnahwanemenung wekah chemudjedoduzewung, ahowh wahmudjedodahwaud kidjechaugonahnin gia gahgeganebowening o-oh edush nindizhebahgwissanemah chedodung, e-ewh apeach minobemahdizid, gia apeach kezhawahdizid; eimmah odizhenekahzowening Jesus Christ Geshamunedo ogwissun; medush c-ewh wainje ekiddoyaun, Gunnahgakunnah (or Amen) Mahnodahizhewabud.

SACRAMENTS.

Ques.—Ahneen menik izhetwahwenun Christ kahozhetoad odahnahmeawening?

Answ.—-Neezh atah, Geshamunedo kedizhenundahwanemegonon cheizhechegayung cheoonje bemahdizeyung; meewh gahedumming; zegenahdahdewin, gia owekoondewin Geshamunedo.

Ques .- Wagonain e-ewh adummun iz-

hetwahwin?

Answ.—Neendedaun e-ewh ahgwudjeiewiahbunduming gia e-ewh beenjinnahnebwahkahwin; gahmenegoyung keizhechegaid ween Christ; meowh azhe odahpinahmung gia owahweendahmahgawenun chedabwatahmung.

Ques.—Ahneen azhe doshkinegahdaig

o-oh izhetwahwin?

Answ—Nezhenoan, enewh ahgwahjeie wiahbundahmingin; gia beenjinnah nebwahkahwin gakainduming.

Ques.—Wagonain enewh ahgwahjeie wiahbundumingin gamah zegenundah-

dewin?

Answ.—Nebeiyoang azhe zegenundahwind ahweah; eimmah odizhenekahzowening ahowh Waosemind, gia ahowh Wagwissemind, gia ahowh Gitcheojechang.

Ques.—Wagonain e-ewh beenjinnah nebwahkahwin?

Answ.—Wabenahming mudjeizhewabezewin; gia oshkeneging minobemahdizewening; keoandahdizeyung mudjeizhewabezewening wajeahweyung ahbenojeyug naishkaindahgozejig o-oh edush izhetwahwin wainjeahweyung ahbenojeyug shawaindahgoozejig.

Ques.—Ahneen azhenundahwaindahgoozewaud cheizhewabezewaud egewh

wahsegenundahwainjig?

Answ---Cheaunwainnindizowaud e-ewh oonje wabenumowaud mudjeizhewabeze-win, e-ewh dush dabwayaindumowaud dabwadumowaud mushkahwaindumowaud dabwadumowaud kahizhewahweendahmahgaid Geshamunedo e-immah e-ewh izhetwahwin.

Ques.—Ahneeshwin dush ahbenojeyug zegenundahwindwah magwah bahbewezhe-ewaud jegushketosegwah izhetwahwin?

Answ.—Gahnahween osekahwaun, gia ogekahwaun, kewahweendahmahgawun chedodahmahgowaud, e-ewh dush chedo-

dahmowaud, e-ewh gahizhewahweendahmahganid ahpe netahwegewaud.

Ques .- Ahneeshwin e-ewh, geizheche-

gaid Geshamunedo owekoondewin.

Answ.—Gahnahween gahgenig chemahmekahwing kesahsahgewejegaid weowh Christ, e-ewh dush wainjeshahwaindahgoozeyung.

Ques.—Wagonain e-ewh wiahbunduming eimmah Geshamunedo owekoonde-

wening?

Answ.—Bahquazhegun, gia shomenahbo, e-ewh Geshamunedo gahekidood cheodahpenahmowind.

Ques .- Wagonain dush e-ewh beenjinnah

gakainduming?

Answ.——Weowh gia omissqweem, Christ, e-ewh quiyuk azhemahmoangin gia azheodahpinnumingin eimmah mushkahwaindumowening Geshamunedo owekoondewening.

Ques .- Wagonain dush aindodahgo-

yung e-ewh mahmoyung?

Answ.-Kidjechaugonahnig omushkahwezekahgenahwah, gia odahbezekahgonahwah e-ewh weowh gia omissqweem Christ; e-ewh debishko enewh keahwenahnin anekahgomahguk enewh bahquaz-

hegunnun gia shomenahbo.

Ques.—Wagonain e-ewh azhenundahwainnemindwah chedodahmowaud egewh bahnahzekungig Geshamunedo owekoondewin?

Answ.—-Wahweenga chenahnahgah-dahwanindizowaud, keeshpin quiyuk che-aunwainnindizowaud enewh omudjeizhe-wabezewinewaun mushkahwaindumowaud zoangaindumowaud quiyuk cheosh-kebemahdizewaud eimmahGeshamunedo ozhauwainjegawening; ahpanemowaud Christun, e-ewh dush maumweyahwain-dumowaud mahmekahwewaud kenebood; gia dush guhkinnah bamadizenejin chesahgeahwaud.

THE CONFESSION,

FROM THE PRAYER BOOK.

Mahyahmahwe mushkahwezeyun gia gatche shahwaningayun Waosemegoyun; Ningemudjedodahmin, gia ningebahkatahmin azhenundahwanemeyaung debishko mahnishtahnishug wanishingig. Ozaum nebewah ningenopenahdahmin agoyaung giaazhenahdahwaindahmomahgug nindaenahnin. Ningepegobedomin kegitche quiyuk kegugequawenun. ween ningetoduzemin enewh kagetodahmaungebunneen; gia dush ningetodahmin enewh kagetoduzewaungebunneen. Kahgago dush mushkahwizewin nindiyahsemin. Keen dush, O Geshamunedo, shahwanemeshenaum, kedemahgezeyaung mudjebemahdizeyaung. Shahwanim dush egewh, O Geshamunedo, iyaunwaindahmahdizojig omudjeizhewabezewinewaun, ahbwayanim edush egewh iyaubwayaindungig; Enewh kewahweendahmahgawénun gahizheweendahmahwaud bamahdizenejin, Christ Jesus Nemuncdomenaun. Gia Mezheshenaum


Ogatche shahwaningayun. Waosemegoyun, apetanemud Kegwis; Ewh galigenig cheizhebemahdizeyaung cheminobemahdizeyaung, gia chebezaunebemahdizeyaung; e-ewh cheoonje gitchewahweendaig Kedizhenekahzowin. Amen.

COLLECT FOR GRACE,

FROM THE PRAYER BOOK

O Geshamunedo gezhegoang ayahyun Waosemegoyun, miyahmahmushkaliwezeyun gia gahgegummig Gashamunedoweyun, keen menahwah gahpezheyaung wahwinga mahjesaig maundun gezhegud; gahnahwanemeshenaum gahgenig gahpeizhe gahnahwanemeyaung debishko cimmah kemushkahwezewening; ahyaungwahmeishenaum noongoom gezheguk chebungishshinsewaung mudjeizhewabizewening, gamah cheizhausewaung nahnezahnizewening; e-ewh gahgenig aindodahmaung cheoanjebahmahguk keen, chedodahmaung dush gahgenig e-cwh wanishesing eimmali anahsameyun; cheahpanemoyaung Jesus Christ Nemunedomenaum. Amen.

























































































Augur 3A 546

AYER
3A
546

